

Tur hende di tur religion por haci uzo di dje

E kerki protestant chikito lo bay bira un kerki di Aruba



ORANJESTAD - E kerki chikito lo bay bira un kerki di Aruba, pa asina tur hende di tur religion por haci uzo di dje. Ken cu kier casa aden, por haci esaki. Esaki ta segun Sra. Yvonne Kromhout, kende tambe ta forma parti di e comision pa asina yuda rescata e kerki chikito protestant.

cionnan di fondo. Kees Luiters lo ta asistente di Yvonne Webb-Kock, kende ta directora di Monumenten Fonds, Yvonne Kromhout y Henna

Snijders lo organisa e eventonan di recaudacionnan di fondo. Aimee Henriquez, ta secretaria di e comision. Aldrick y Erin Croes lo ta marketing media y Ruud v/d Belk, ta e persona di contacto na Hulanda cu lo bay purba tambe di recauda fondo of busca placa na Hulanda, unda cu e por haya pa yuda cu e kerki.

1 miyon

Di parti di kerki protestant mes, lo bay duna 100 florin na e fundacion. Despues lo bay cuminsa cu e recaudacionnan di fondo pa asina sigui recauda placa pa asina yega na un suma di 1 miyon



florin pa por salba e kerki chikito protestant. Cu e placa aki por drecha e kerki manera cu e tabata antes, esta drecha

e bankinan, e orgel, etc. Den liñanan grandi, trece e kerki chikito bek den su gloria di antes. □

Tiki di historia

Aimee Henriquez a relata un historia chikito di e kerki, splicando cu esaki ta un kerki chikito cu a wordo construi entre 1845 y 1846. E kerki chikito ta e edificio religioso mas bieu di Aruba. E tabata parti di famia Arends. El a wordo cumpra pa 250 florin y riba su fundeshinan e kerki a wordo construi. El a fungi como kerki te cu 1950, na momento cu e kerki grandi a wordo inaugura y e sirbishinan a cuminsa tuma lugha despues. Den pasado tabata tin presentacionnan musical, presentacionnan di comedia, entiero, bruid y hopi otro cos mas. Actualmente su condicion ta hopi malo. Su murayanan ta gebelaas y garna, en particular e banda di e portanan cu e benta nan. E dak su biganan ta comi pa comehein y si sigui asina e tin chens pa basha abao. E kerki tin hopi recuerdo y ta forma parti di nos historia di e protestantnan y tambe di e historia di Aruba. E ta representa un parti di nos cultura, arkitektura di siglo 19 y di nos historia mes di Aruba. Ta casi cla pa funda un fundacion cu yama Rescata Nos Kerki 1846.

Fundacion di comision

Awe e comision lo wordo lanta na notario. Segun E comision ta consisti di Dominee Ernst Stutenheim, kende lo ta presidente, Nicole Baptista lo fungi como tesorero, Dito Eman lo encarga su mes cu e recauda-